

GIPHENDE – “Where is your home?”

INZO YENU IDI GUI ?

Athu avula mu khatshi dietu adi nu inzo nga mafundo (mabugu) agukhala. Mafundo ene ajiya gukhala atagana nga ndo, nu ima ya monzo abonga gubalega athu ako a hehi, uvi idi fundo dietu dia gukhale. Nga twaya mutala athu ako, nga tua wenda njila jia leha, tudi nu gusuanguluga ha gukhala gumbodietu. Mafundo ako atuawendi, nga tshima adi abalenga gubonga nu gusuanguluisa mu mbimbi jagasue, ashi genji mafundo etu ndo, nga tshima atu zangula (atu yamba) muabonga ha ngoshi nu ene.

TUDI ENYI HA MAVU WAWA

Mbimbi ya Nzambi idi gutuleza egi tudi getu enyi nu abalegi. (1 Petelo 2:11; Ebelo 11:13). Jinzo jietu haha, nga jidi jia gutungiwa gutshi, jidi jia kumbi dia zonda, gualaha ndo ibayi idi mu leba, yangi dimuyandiga gumbosa, fundji idi mungina mu mifulo nu madidishi nu mukumbi dia zonda ya gushangula idi mu bua nu hanzonda ha zonda (ha bio ha bio) inzo yene idi mu bua. Gushi nga inzo imoshi ndo ha mavu wawa mba isala mayilago, ndo, idi khuta ndaga ya sungi, gungima dienji idi musala fuphi (uto) nu lamba diavula. Talenu hehi nu enue nu guagasue mudi mu mona ijiyilo idi mudijiga egi gima gimoshi ndo ha mavu wawa mba gisala kumbi dia leha nu yagasue idi mubalega, jinzo jietu hangoshi.

HENYAHA, MUTHU YAGASUE UDI NU INZO YA MASUGU AGASUE

Esue agaswe, tuyijiye nga ndo, tudi nu mafundo agukhala a masugu agasue nu a mayilago. Didi fundo mbatuzangula hahua monyo wetu ha



mavu wawa, muila wetu mba umbiwa mu ndumba. Mionyo yetu mbayiwa mu dimbo diayo, mba tushi mu khala luko enyi ndo uvi mba tukhala mayilago. Dimbo dimoshi didi gutudijigiwa gifua zanga dia tshiya, muene mudi mbalagaji (muenea gikembe) wa (Yesu) Klisto nu profeta jia mambo nu guene mba gutumiwa diabulu nu athu agasue adi eshi majina mu mukanda wa monyo. (Yatuhuwe 20:10-15). Mu matshiguatshigua akola a tshiya, mu malamba nu kiza mba gukhala gudila nu gudisuma mazo, gulelewa ha phala ya diabulu, tola tua kola tua ba demona mba tukan-duisa malamba a ndaga yene. Mba gushi mu khala gukuatesa ndo nga hazonda, afishiwa milonga mba akuatewa nu mba akhala kakhawo mu malamba akola, mبادi gudibela ndaga atunyine guvua mbimbi ya Yesu Klisto. Matshiguatshigua a tshiya amufundo diene dia malamba, fundo diene jina dienji milungi, mbadikhala fundo diawo dia gukhala mukunda: “Agasue akitile masumu nu aminyiwe gutumbuga gua Nzambi.” (Loma 3:23). Didi fundo dia enya uthambi, enya midimo ya majilo, akombeledi a ikhokho, aloji, enya gikembe mu mitshima yawo, enya giphi, enya mambo, inui ya matombe, nzangi, enya mambo (idimbi ya ako), athu eshi giamatshidia, ishiyi ya athu, enya gumana, athu eshi ngolo jia midimo, enya gudisunzula (gudizalumuna, gudisha), athu atshigina ima ya ha mavu wawa, aluishi a ako nu mithima ya khuta, athu azumba makuta nu umonyi nu athu azumba ima ya ha mavu wawa. (Galatia 5:19-21; Yatuhuwe 21:8). Yeyi idi inzo ya athu atunyine Fumu wetu Yesu Klisto gukhala muhuluishi wawo, athu adile guwovewa ndo mu mahatshi a Klisto. “Mudidimbi ndo: anu lela Nzambi tola ndo. Yagasue idi mukuna muthu, yene mba amuna.” (Galatia 6:7). Ituakunyine mu masumu a mwila mba tudi guyimuna mu ngena (zanga dia tshiya).

Maganyenu mutale luholotshi muenea masumu adi muya mungina mu inzo yenji, inzo yenji ndaga unu henyaha khenji atshigina ndo muhuluishi. Muenea masumu wa mutshima wa kola udi musetuga gufua nu muila wa lamba nu monyo wa zala nu woma wa gufua. Gufua gua mujila (mu gisagumuisa) mu kumbi dishi mu jiyiwa ndo nu dishi mutshiginyiwa ndo nu guamumagenena; iheho ya masumu ya hua nu udi mu futa masumu akitile mu ndando ya kola sha. (Loma 6:23). (Woma nu) Madigita a zanga dia tshiya azala monyo nu nyuma yenji ya gunamesewa mangololo. Uvi gula wa tshigina gukombelela, ajiyile ndo gukuata nga gungina mu umoshi nu Nzambi n'enji. Mafuta enji akulu adi nu woma wa gusetuga hehi nu gitanda gienji nu mbimbi jia jiyile ndo gumukuatesa nu umonyi wenji wagasue awongegele mu unzangi waji-hile ndo guhuluisa monyo wenji nu gutulula lamba dienji, nga gulehesa monyo wenji. Nga tshima wa tangiza Nzambi, Satana (diabulu) ashindo gumuhua luendu nga hazonda. Yagasue ya zumbile muene ha mavu nu yakhalele muene mujingila idi gumulela tola nu nji mubambi wenji wa imeme wabola ajiyile ndo gumukuatesa. Wa yandiga gu unguluga nu gumona egi **“idi ndaga ya kola nu ya lamba ha gubua mu mago a Nzambi wa monyo.”** (Ebelo 10:31). Wa khalele gudifelela egi mba udi mu lenga Nzambi ha gitanda gienji gia gufua uvi wa mona egi kumbi dia balega gale. Athu avula adi mufua mu gisagumuisa, ashindo nu luholo lua gutagana nu Nzambi hadi ene mufua. Ha ngenyi idi ya bonga ha esue gu kamba muhua monyo (Nzambi wa mayilago) hadi muene

hehi nu esue. (Isaya 55:6). Gunenga ndo mbimbi jia gudindamesa jia Nzambi, muenya masumu udi mufua, muene wa bishidile ngasa nu gazumba gua Nzambi ha khadi muene nu monyo, henyaha udi muvua diji dia musambeshi wenji, Muhuluishi ya bishidile (ya tunyine), udi muzuela: “Katuga gu phala yami, mua shinjiwa, ndenu mu tshiya tua mayilago tua londewe mukunda nu diabulu (Satana) nu anjelo enji.” (Matayo 25:41). “Ya hanewa gudi athu ha gufua khuta hugo dimoshi, gungima dienji gudi muza gusambesewa.” (Ebelo 9:27).

HENYAHA, TUMONE FUNDO DIA BALEGA GUBONGA DIDI GUI

Mufundo diene gushi luko midima ndo, nu mba gukhadi funu ya muinda nga muanya ndo, ndaga ya Fumu Nzambi mba udi gua lemesela muanya tgonolo (Yatuhuwe 22:5). “Uvi, yasonegewe egi, idi ima iso khenji dimona ndo, kutshi khenji divua ndo, ima yeye muthu khenji ayitangiza ndo. Nzambi wayilondele mukunda nu athu amuzumba.” (1 Kolinto 2:9). Gushi nga zuelelo dimoshi ndo ha mavu dia jiya gutudijiga gutumbuga gua mu dilu, lutumbu lua balega gubonga. Didi fundo dia athu abembele gubola gua gasue ha mavu. Muenya masumu mumoshi mba anginyi ndo nu “gima gimoshi ndo gia majilo mba gingina mu utumbu wene, muenya ima ya bola nu muenya mambo mba anginyi ndo; khuta athu asonegewe mu mukanda wa monyo wa mona wa gimeme mba angina (Yatuhuwe 21:27). Mua jiyile ndo gusumba inzo yeyi nu makuta ndo, nga guyihta mu midimo. Mba mu inginyi ndo mu ibayi, makalegelo a eklezia amoshi ndo ajiya gumihua n’ayo, njila idi khuta imoshi, khuta gudi Klisto. Wazuelele egi: “Ngudi njila, mayilago nu monyo. Muthu mu moshi ndo wajiya guza gua Tata gula abalegele gudi amen do.” (Yona 14:6). Yesu udi gutuleza mu mukanda wa Yona 14:2 ndaga ya fundo didi muene mulonda, uvi fundo diene dia mudilu didi khuta mu kunda nu athu atoteselewe gubola gwawo nu mitshima yawo nu mionyo idi ila phe. Avula adi musudiga milele nu (matangi) gudifelela egi milele yene mba yanginisa mu ufumu wa mudilu (paradiso). Ndo, khuta mutshima wa balega yagaswe, wene udi n’aye guwovewa, nu tudi n’aye gu jinga lujingua lua gowovewa, lula phe, tuhatshi ndo ima ya ha mavu.

Ha gumona egi tudi enya gubola (enya masumu) gu meso a Nzambi nu tudi muya hehi nu zanga dia tshiya (milungi), khuta gima gimoshi gia tusala tukite **“gula tua londolola masumu etu, muene udi wa tagana ha gututotesela gubola guetu, nu gutuwowa mu gubola guetu guagasue.”** (1 Yona 1:9). Yesu wazuelele egi: “Ngudi guzuga gu gufua nu ngudi monyo. Wagasue wangutshigina mba udi mukhala nu monyo nga tshima wafua, nu wagasue udi nu monyo nu wangutshigina ame muene mba afi genji ndo.” (Yona 11:25-26). “Muthu wa gasue udi muvua mbimbi yami, nu udi mu tshigina muene wangutumine, udi nu monyo wa mayilago nu ashi mu sambesewa ndo, uvi wabalega gu gufua nu wangina mu monyo.” (Yona 5:24). Gufua gushi mu hana woma nga gudisagesa gudi muklisto. “Gufua gua (tota) nginyishiwa mosha gununga! O aye gufua gununga guaye gudi gui? O gufua thunga (shindanyi) yaye idi gui? Shindanyi ya gufua, idi masumu; nu ngolo gia masumu, jidi mukhuala. Uvi Nzambi atumbuishiwe ndaga udi gutuhua gununga mu njila ya Fumu Yesu Klisto.” (1 Kolinto 15:54-57). Muthu wanukhala nu guwenda

nu fumu Yesu ashindo nu woma wa gufua. Hatagana kumbi dienji dia guya mba udi muya nu guswanguluga gifua mua zuelele Apostolo Paula “Ngudi nu funu ya guya gami nu gu khala: nu Klisto, yeyi idi ndaga ya balega gubonga gudi athu avula.” (Philipo 1:23). Muklisto udi mu tshigina gu heta phala ya Klisto wamufidile ha mutshi wa gudikikisa (kulunsi). Nyuma wa bonga nji udi gumu ungu Luisa mbimbi jia Yesu: “**Mitshima yenu idi sagesa ndo. Tshiginyenu Nzambi, nu ngutshiginyenu ame. M’onja (mu inzo) ya shami mudi mafundo avula agukhala: gula ya khalele ndo ngenyi, nga bendele gumileza. Ngaya gumilondela fundo, mba ngudi muza luko nu mba ngumizangula, hagul’egi hama ngudi nu enue mukhale nu ame hangoshi.**” (Yona 14:1-4).

Henyaha, tumagane nu tutale luholo tshi muklisto adi muya gu mbodienji (gufundo dienji). Ashindo nu woma wa gufua, Muanjelo wa Nzambi udi mutumiwa ha gunenga abate monyo wenji gudi Nzambi wa mayilago. Monyo nu nyuma idi mu zoga mu mula wa gufua nu gungina mupushi mu mifulo ya paradiso idi ya guzulula, mu mago a muene wamufidile. Udi muyambewa nu guswanguluga gua koma gu meso a Nzambi, Fumu’enji nu Lonji yenji udi gumumenega nu mbimbi jia gutumbuga: “Idi yabonga, mona wa mudimo wa bonga nu watumaga; watumagele mu ima ya zonda, mba ngudi guguhua yavula; ngina mu guswangulula gua Longi (Fumiaye) diaye.” (Matayo 25:21). Sadige mangino, Satana ashi ndo luko nu uhinyinyi holu dienji, ndaga, “guswanguluga gudi gua agasue adi mufua mu Yesu Fumu! Ayi, Nyuma udi mu zuela, kumbi dia tagana ha ene guhululuga mu midimo yawo, ndaga midimo yawo idi gua landula.” (Yatuhuwe 14:13). **Henyaha**, muajiya gukita gifua mona wa totele mu gulumbuga, muene wa ile gualeha nu inzo yawo nu ha muenene muene malamba amubuidile wazuelele egi: “Mba ngudi muzuga, mba nguya gudi shami.” (Luka 15:18). **Mu kumbi didi** bamba monyo waye gudi Yesu, ikite henyaha hama udi; fugama nu londolola gudi Nzambi egi udi muenya masumu (muthu wa bola) nu mu lombe aguwove mu mahatshi a ndando ya kola, nu mutshigine mu monyo waye, nu ngenyi, mba Satana kunda nu njila idi mu bata mu milungi, nu landula njila idi mu bata mu dimbo diaye dia mu dilu.

Le livre du “Coeur de l’homme” peut être obtenu en plus de 500 langues et dialectes parlés dans le monde entier, à savoir: Afrique, Amérique, Asie, Extrême Orient, Europe.

Si vous avez trouvé le salut en Christ ou si vous avez été béni par notre littérature, nous vous prions de nous le faire savoir. Nous aimerions remercier Dieu avec vous et prier pour vous.

Pour obtenir gratuitement de la littérature évangélique, des livres et des traités en plus de 540 langues, écrivez à:

E-MAIL: info@angp.co.za

ALL NATIONS GOSPEL PUBLISHERS

P.O. BOX 2191, PRETORIA, 0001, R.S.A.

(Une Mission de Littérature évangélique financée de dons)

(Reg. No. 1961/001798/08)